

ŠTA JE ESMA?

Evropsko nadzorno tijelo za vrijednosne papire i tržišta kapitala (European Securities and Markets Authority - ESMA) je nezavisno tijelo EU sa sjedištem u Parizu, i predstavlja jedno od tri evropskih nadzornih tijela.

Svrha ESMA-e je očuvanje stabilnosti evropskog finansijskog sistema kroz osiguravanje integriteta, transparentnosti, uspješnosti, unaprjeđenje zaštite investitora i urednog funkcionisanja finansijskih tržišta.

ESMA-e je osnovana 1. januara 2011. godine Uredbom EU br. 1095/2010 Evropskog parlamenta i Vijeća, kao nasljednik Odbora evropskih regulatora za tržišta vrijednosnih papira (CESR). Predstavlja regulator tržišta vrijednosnih papira Evropske unije i odgovorna je za usklađivanje mjera koje poduzimaju regulatori za vrijednosne papire.

ESMA se sastoji od dva glavna organa, Nadzornog odbora i Uprave. Nadzorni odbor čine šefovi 27 nacionalnih tijela, po jedan posmatrač iz Norveške, Islanda, Lichtensteina, Evropske komisije, predstavnika Evropskog nadzornog tijela za bankarstvo (EBA), Evropskog nadzornog tijela za osiguranje i profesionalno penzijsko osiguranje (EIOPA) i jednog predstavnika iz Evropskog odbora za sistemske rizike (ESRB).

Nadzorni odbor donosi odluke o smjernicama ESMA-e, kao što su odluke o usklađenosti nacionalnih regulatora s evropskim zakonodavstvom, tumačenje evropskog zakonodavstva, usklađivanje funkcionisanja u kriznom upravljanju, odobravanje nacрта tehničkih standarda, davanja mišljenja o izvještajima, zatim odobrava godišnji budžet ESMA-e i slično. Takođe je odgovoran za odluke o operativnim i tehničkim pitanjima administracije.

ESMA



Uloga:

poboljšanje zaštite ulagača te promocija stabilnih i uređenih finansijskih tržišta

Predsjednik:

Steven Maijoor

Izvršna direktorica:

Verena Ross

Članovi:

nacionalna tijela odgovorna za tržište vrijednosnih papira u svakoj državi EU-a

Članovi bez prava glasa:

Evropsko nadzorno tijelo za bankarstvo (EBA), Evropsko nadzorno tijelo za osiguranje i profesionalno penzijsko osiguranje (EIOPA), Evropski odbor za sistemske rizike (ESRB), Evropska komisija (EK)

Posmatrači:

Island, Lihtenštajn i Norveška

Godina osnivanja:

2011.

Lokacija:

Pariz (Francuska)

ESMA

Uprava ESMA-e je odgovorna za pitanja organizacije kao što su godišnji budžet, kadrovska politika i godišnji plan rada.

Ciljevi ESMA-e su:

- zaštita ulagača kroz zaštitu i jačanje prava korisnika finansijskih proizvoda kao ulagača i potvrđivanje njihovih odgovornosti,
- uređena tržišta kroz podržavanje povećanja integriteta, transparentnosti, uspješnosti i urednog funkcionisanja finansijskih tržišta i jačanje tržišne infrastrukture,
- finansijska stabilnost kroz jačanje finansijskog sistema kako bi bio otporniji na posljedice finansijskih neravnoteža i stimulisanje privrednog rasta.

Svoje ciljeve ESMA postiže kroz četiri aktivnosti:

- procjena rizika za ulagače, tržišta i finansijsku stabilnost u cilju promocije transparentnosti i zaštite ulagača
- popunjavanje jedinstvenog pravilnika za finansijska tržišta
- promocija standardizacije nadzornih praksi
- neposredni nadzor nad određenim finansijskim subjektima.

Područja i učesnici koji imaju koristi od ESMA-e su pored privrede i regulatora tržišta vrijednosnih papira, javnost, sektor finansijskih usluga, mali i institucionalni ulagači te potrošači, davaoci finansijskih usluga, korisnici finansijskih tržišta i drugi.

ESMA nastoji štititi stabilnost finansijskog sistema EU-a osiguravanjem integriteta, transparentnosti, uspješnosti i pravovremenog funkcionisanja tržišta vrijednosnih papira kao i unaprijediti zaštitu ulagača.



ESMA donosi regulatorne i tehničke standarde na temelju finansijskih zakona EU-a. Također ima ovlaštenja izdavati smjernice i preporuke o primjeni evropskog prava.